



Broj: 04/5-05-1-374-15/16
Sarajevo, 26. 4. 2016.

PREDMET: Informacija o posjeti članova Komiteta za civilnu dimenziju sigurnosti i Podkomiteta za demokratsko upravljanje Parlamentarne skupštine NATO, Sarajevo, 8. i 9.3.2016.godine

Članovi kolegija oba doma Parlamentarne skupštine Bosne i Hercegovine (PSBiH), članovi delegacije PSBiH u Parlamentarnoj skupštini NATO-a (PSNATO) i članovi Zajedničke komisije za odbranu i sigurnost BiH razgovarali su 7. i 8.3.2016. godine u Sarajevu sa članovima Komiteta za civilnu dimenziju sigurnosti i Potkomiteta za demokratsko upravljanje PSNATO-a o napretku naše zemlje i izazovima koji stoje pred BiH na putu ka europskim i euroatlantskim integracijama.

Delegaciju PSNATO-a pozdravio je u ime delegacije PSBiH u PSNATO, predsjedavajući Nikola Lovrinović, koji je naglasio da je u našoj zemlji, nakon dužeg perioda stagniranja, od 2014. godine stvorena povoljnija politička i gospodarska klima, kao i političko opredjeljenje da se krene u reforme na evropskom i euroatlantskom putu. Govoreći kako BiH ne želi ostati izvan kolosijeka svih zemalja u regionu koje su ušle ili idu ka NATO-u, Lovrinović je zatražio podršku NATO parlamentaraca za aktiviranje MAP-a, i u procesu ispunjavanja uslova za punopravno članstvo naše zemlje u EU i u programima NATO-a.

Učesnike sastanka, kojem su prisustvovali i predstavnici delegacija Crne Gore, Gruzije i Srbije u PSNATO-a, pozdravili su predsjedavajuća Predstavničkog doma PSBiH Borjana Krišto i zamjenik predsjedavajućeg Doma naroda PSBiH Safet Softić, koji su istakli da je BiH, i pored određenih unutarnjih političkih neslaganja, posebno vezanih za pitanje ulaska naše zemlje u NATO, napravila pozitivne iskorake i u procesu integriranja u EU i u procesu aktiviranja Akcijskog plana za članstvo (MAP) u NATO-u.

Predstavnicima PSNATO-a obratio se i predsjedavajući Zajedničke komisije za odbranu i sigurnost BiH Sifet Podžić, koji je, izražavajući zadovoljstvo postignutim rezultatima u procesu reforme odbrane i u parlamentarnom nadzoru nad sektorima odbrane i sigurnosti, ocijenio da bi aktiviranjem MAP-a za BiH NATO poslao snažnu poruku potpore dosadašnjim naporima institucijama BiH na putu ka europskim i euroatlantskim integracijama.

U svom obraćanju učesnicima sastanka potpredsjednik PSNATO-a i predsjedavajući Potkomiteta za demokratsko upravljanje PSNATO-a lord Thomas Michael Jopling upozorio je na nove izazove s kojima se NATO i cijeli region Zapadnog Balkana u ovom trenutku suočava, posebno apostrofirajući krizu u Ukrajini, prijetnje terorizma i izbjegličku krizu. Pohvaljujući napredak BiH na putu ka EU i NATO-u, lord Jopling je ocijenio da BiH sve više postaje zemlja koja, angažmanom pripadnika Oružanih snaga, pruža sigurnost drugim zemljama i regionima. Lord

Jopling poželio je našoj zemlji svaki mogući uspjeh i obećao podršku PSNATO u procesu europskih i euroatlantskih integracija.

Nakon uvodnih izlaganja i obraćanja predviđenih programom, gosti iz PSNATO su postavljali pitanja prisutnim predstavnicima PS BiH.

Delegacija PSNATO-a prvog dana posjeta razgovarala je i sa predstavnicima Ministarstva odbrane i Zajedničkog štaba Oružanih snaga BiH. Sastanku su prisustvovali Marina Pendeš-ministrica, Boris Jerinić-zamjenik ministra i Muhamed Smajić-sekretar Ministarstva odbrane BiH, general-pukovnik Anto Jeleč-načelnik, general-majori Senad Mašović i Mirko Tepšić, zamjenici načelnika Zajedničkog štaba OS BiH.

Predstavnici nevladinog sektora: Denis Hadžović - Centar za sigurnosne studije BiH, Dijana Gupta- Atlanski savez, Lejla Ibranović-Transparency international, Lejla Ramić Mesihović-FPI, Danial Omeragić-VPI su prezentirali svoje viđenja stanja u BiH i statusa po pitanju NATO i EU integracija u razgovoru sa delegacijom PSNATO.

Članovi Komiteta za civilnu dimenziju sigurnosti i Potkomiteta za demokratsko upravljanje Parlamentarne skupštine NATO-a (PSNATO), tokom drugog dana posjete našoj zemlji, razgovarali su 9.3.2016.godine u Sarajevu sa zvaničnicima Bosne i Hercegovine o ključnim sigurnosnim izazovima i NATO integracionom procesu Bosne i Hercegovine.

Tokom sastanka sa predstavnicima Ministarstva sigurnosti BiH, kojem je prisustvovao predsjedavajući Delegacije Parlamentarne skupštine BiH u PSNATO Nikola Lovrinović, ministar sigurnosti BiH Dragan Mektić rekao je da problemi radikalizma, nasilnog ekstremizma i terorizma predstavljaju ključne sigurnosne izazove s kojima se naša zemlja u ovom trenutku suočava.

Ministar Mektić upoznao je NATO parlamentarce s činjenicom da je BiH izmjenama Kaznenog zakona učinila kazneno kažnjivim učestvovanje i podstrekivanje na učestvovanje državljana BiH u paravojnim i terorističkim organizacijama na stranim ratištima, te naglasio da država procesuirala i da će procesuirati sve takve slučajeve.

Prema Mektićevim riječima, državno pravosudna i policijska tijela, koji imaju nultu toleranciju prema terorizmu, primjenjuju državnu strategiju za prevenciju i borbu protiv terorizma, koja, osim mjera represije, uključuje i preventivne mjere za deradikaliziranje pojedinaca koje provode predstavnici vjerskih zajednica, obrazovnih institucija, organizacija civilnog društva i mediji.

Ministar Mektić je istakao da je BiH, uz podršku Europske unije (EU), pokrenula i regionalnu inicijativu za borbu protiv terorizma i krijumčarenja oružja iz zemalja Zapadnog Balkana. Cilj te inicijative, naveo je Mektić, jeste uspostavljanje regionalne baze podataka o licima koje predstavljaju sigurnosnu prijetnju svim zemljama regiona, EU i NATO-a. Stvaranjem regionalne mreže tužitelja i istražnih timova, kao i mreže za okrivljanje i presijecanje kanala za krijumčarenje oružja iz zemalja Zapadnog Balkana također pridonosi napretku u borbi protiv ove pojave.

Članovima Delegacije PSNATO-a obratio se i zamjenik predsjedavajućeg Tima za NATO integracioni proces BiH Mijo Krešić, koji je govorio o dosadašnjem procesu i perspektivama euroatlantskih integracija naše zemlje. Svi članovi NATO Tima su prisustvovali sastanku sa Delegacijom PSNATO.

Delegacija PSNATO-a razgovarala je i sa komandantima NATO Štaba u Sarajevu, brigadnom generalicom Gisele Wilz i snaga EUFOR-a, general-majorom Johann Luifom. Sastanak je održan u kampu Butmir.

PREDSJEDAVAJUĆI DELEGACIJE
Nikola Lovrinović

Prilog:

-Program posjete

-Izlaganje predsjedavajućeg Delegacije Lovrinovića